

أوجاع قمر

شعر

محمد أبو يوسف

مؤسسة يسطرون للطباعة والنشر والتوزيع



رئيس مجلس الإدارة

عماد سالم

المدير العام

أحمد فؤاد الهادي

مدير الإنتاج

أحمد عبد الحليم

الطبعة الأولى

الكتاب : أوجاع قمر

المؤلف : محمد إبراهيم مصطفى

تصنيف الكتاب : شعر

تصميم وإخراج : أحمد عبد الحليم

المقاس ١٤ × ٢٠

رقم الإيداع : ١٤١٠١ / ٢٠١٧

الترقيم الدولي : 3 - 435 - 776 - 977 - 978

العنوان : المكتبة والمطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١٢٢٩٣٠٠٢٩ - ٠١١٥٧٧٦٠٥٢

Email : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

مصر

مصر إنت الحب كله

إنت صفصافنا وضله

وشعبنا دا مين يضلّه

دين وحب وإستقامه

.....

مصر إنت يا سفينه

ألف مادنه وألف مينا

ومهما يتجبر علينا

هيالقينا يوم قيامه

.....

مصر ليا عتاب عليكي

راضيه ليه باللي يعاديكي

هاوينك إحنا ومش هاويكي

وقاعد فيكي كتير وياما

.....

مصر إنت نور ف ليلي

كل حبي وسرج خيلي

وشايله ياما وراح تشيلي

وهي دي أصول الزعامه

تمتات ما قبل الثورة

من يوم ما رحت المدرسه

وقبل ما يقول القلم

ضربت تعظيم مَرِيَّسَه

وقمت حيت العلم

اتعلمت يومها كيف يكون الإنتباه

اتعلمت كيف أنجلد وما قولش آه

علموني أكون جبان

علموني كلمه واحده م الكلام

علموني أقول نعم

علموني مهما عضتني الآلام

عمري ماشكي من ألم

علموني إن الرئيس هو الإله

بس بيمشي فوق قدم

علموني إن الشعوب

دول حثاله دول خدم

علموني الصبر جُنة

وكل شئ حلو وجميل

علموني مصر جنّه

طول ما فيها إنت يا نيل

علموني ولم يزالوا

كيف أكون أبداً ذليل

رساله قصيرة جداً للوطن

لحد إمتى يا وطن

يرضيك سكوتي

أيامي شاهده

ع التاريخ

والتاريخ مكتوب

بخطى

والتاريخ زاعق

بصوتي

يا وطن مهما انظلم

هفضل أغني للحياه

وفي سبيل الله

أشتاق

لموتي .

كلمة وطن

كلمة وطن يعني الحياه

كلمة وطن يعني الخلود

كلمة وطن

معناها روح بتميل لروح

معناها عمري ما انكسر

مهما يهز القلب ريح

معناها ديني جوا قلبي

منين مارؤخ

كلمة وطن يعني سلام

يعني كلمة في حزن كلمه

يعني لَمَّه جواله

يعني حاره يعني شارع

قلبنا في الحب بارع

يعني معناه انسجام

كلمة وطن

يعني جيل يبني جيل

يعني زرعه يعني نيل

يعني قمره يعني ليل

فيه بيحلّو الكلام

كلمة وطن

يعني روح جوا النفوس

يعني إيد طايله الشموس

يعني دين ويعني رب

لو تدور عن حبيب

تلقى جنبك ميت أنيس

كلمة وطن

يعني الأمل

يعني ليه أبقى تعيش ؟!!!!

هى دي كلمة وطن

عارف

عارف مهما تقول يا ضمير

ومهما تقول الدنيا .. بخير

تلقى التدليس .. والتزوير

مالي حياتك .. مالي حياتي

عارف إن حاميها حراميها

حائط أيدوف إيد أعاديها

وبلادنا بيتمخطر .. فيها

إبن الظالم . وإبن العاتي

عارف إن الكلمه .. تدينك

مكتوب الذل على .. جبينك

والرعب أنا شايفو في عينك

ياللا قوام زود .. مأساتي

عارف إن شقاك مش ليك

وفسادهم بيحاصر . فيك

فقرك سد الدنيا .. عليك

وهومك أمسك .. والآتي

عارف إن الجهله .. لفوق

ماسكين في زمامك ما تفوق

سايقينك بلطافه .. وذوق

لحد ما تبقى .. ف الأموات

عارف إن الفكر .. جديد

محسن ماصص دم سعيد

وفقيرنا بقى .. ع الحميد

وبنبايع .. في الانتخابات

حلفت لك

حلفت لك بجد خلاص

حلفت بحرمة الإخلاص

هفضل ع الدوام حالف

أحمي لك حدود الدار

ولو راح أموت أموت واقف

على أول خطوط النار

دانتي النسمة لفؤادي

وانتي الفرحة لعنيا
وانتي حكاوي أيامي
في كل حكاية أغنية
دانتي شيء عايش فيا
حلفت لك وبقطر شوق
وكل غنايا ليكي بسوق
حلفت لك بثورة شعب
هكتب لك كتير ف الحب
فيكي بدوب وليكي بحن

وبعدك كله أنْ ف أنْ

دا نار حبك بتكويني

يا موشومة في تكويني

بحن لك سواقي ونيل

ولعشقك في قلبي دليل

حلفت لك بدون بدايات

غزلت لك خيوط الفجر

مرسومة كما الضحكات

مهما كنتي مره دموع

لتعودي تكوني رجوع

نَفْسِي أَكُونُ

يَا رَبِّ

يَا أَلِيَّ بِالْقُلُوبِ عَالَمُ

وَنَا الظَّالِمِ

وَبَدْعِي يَا رَبِّ تَهْدِينِي

وَأَبْقَى مَعَاكَ

عَلَى بَرَكْ تَرْسِينِي

وَتَجْعَلْنِي مِنَ الْفَائِزِينَ

ونفسي ف يوم

تهل الشمس في شروقي

وأنول توبه

وأبيع طوقي

والأقي البشرى في قبولي

وأغرق في بحور تانيين

ونفسي أكون

حكاية حب مرويه

وفا وحنين

وأعيش مسكين

وأبعت للقلوب بسمه

تكون نسمة

تعديني مع المارين

منا ديني معلمني

أكون شمعته تضيء الكون

ويثلمني

أشوف دمعته

وأكون محزون

وأدعي يا رب

افرجها على البائسين

وبدعي يا رب

اجعلني ذراع مائه

شعاع الخير

واجعلني شراع فارده

الأمل للغير

وعمري ماشوف

دموع غيري تبكيني

وأبقى حزين

عمي إبراهيم

عمي إبراهيم

ألف رحمه ألف نور

علمتنا كيف نشور

عمي إبراهيم

راجل حكيم

راجل جميل

طول عمره كان

في الحق سيف

في العشق نيل

وقت الفتن كنا نلاقيه

بيكون أمل ويكون دليل

قلبه يساعنا كلنا

كان قلبه كون

والكون قليل

لما كنا صغيرين

كان لنا قلب

يضمنا

ويقول لنا

كل الكلام بدون سفه

دون سفسطه أو فلسفه

ويشرح لنا

على قد طيبة عقلنا

ويعيد لنا ويزيد لنا

أيه التاريخ ولأيه وصل

وكان تملي يقول لنا

كل الي حاصل ده حصل

وكان يقول الظلم نار

وكثر المظالم راح تولد لنفجار

وكان يقول

إن السكوت ع الذل عار

وإن خفت في يوم م العدا

انك تموت يبقى انتحار

وإنك اذا أن لم تشورع الظلم

تبقى حياتك كلها

على جرف هار

وكان يقول

مفيش أمل

غير بالعمل
هو طريق الانتصار
فاكرينه وقت الخوف
كان بيلمنا
ويضمنا
ويحلف لنا
لما كان يبجي العدو
ما يهمننا
عمي إبراهيم
فضل كلامه ف قلبنا

عمال یرن فی ودننا

عشان کده علمتنا

إن لكل شیء فی الکوان أوان

علمتنا

أن الفتی یرضی یموت

ولا یوم یهاب

علمتنا

کیف نعرف المملک الی أصله

کان شیطان

عرفتنا

مين الي باع مين الي خان

عمي إبراهيم

في عز أيام الفزع

عز الهلع

كان يقيد شمعة أمل

لجل أن تحين ساعة العمل

كانت ابتسامته

تمحي القلق

تمحي الوجع

علمنا

ازاي يكون حب الوطن

كان يقول

إن الوطن هو السكن

وكان يقول

إن الوطن في القلب دين

وكان يعلمنا

إن الحنين للتراب

هو الحنين

عمي إبراهيم

راجل كريم

راجل عظيم

راجل رحيم

باختصار راجل جدع

رغم إنه كان راجل كبير

عقله كان يوزن بلد

ولا مره عمره ينخدع

راجل أمين ومستقيم

أعلن حروبه ع البدع

يحب الشباب المستقيم

بيه يرتقي بيه يرتفع

علمني إن العلم نور
والجهل آخره سوء مصير
علمني إن الصمت عار
لما يضيع شرع القدير
علمني إن الدين يضيع
لما يضيع حق الفقير
علمني لما الظلم يعلى
أزاي أقوم أزاي أثور
وكان يقول لي أوعاك تخاف
من أي حاكم لو يجور

علمني كيف أصنع حياه

علمني كيف يكون لي دور

علمني أفتش في العقول

علمني وسط الحق أسير

عمي إبراهيم

دنيا ملانه بالعلوم

طول عمري أشوفه بيتسم

والقلب مليان بالهموم

وما كان يبين أي شئ

منا عارفه أصله كان كتوم

علمني أيه معنى الصله

وأزاي أزكي وكيف أصوم

علمني إن الحج فرض

بشرط إني أستطيع

علمني حبي للوطن

كيف أنتمي ولا يوم أبيع

علمني كيف أجعل حياتي

لجل غيري تقيد شموع

علمني الصبرع المذله

امتهان وياه خضوع

علمني كيف أتمرد ع التاريخ

اللي انكتب لجل الولاه

علمني إن الرضا بالظلم موت

علمني إن الموت للدين حياه

علمني كيف للدنيا توصل كلمتي

وإن عمري ما يساويش حرיתי

علمني ما في يوم أسلم

إلا إن يكون على جثتي

عمي إبراهيم

كان لنا أب

قلبه كبير

وياما حب

كان لينا نور وسط الغيوم

بنسر له وكان كتوم

علمنا إن لينا رب

يغفر ذنوبنا لو جبال

علمنا إن لينا قلب

يهوى الجهاد يهوى النضال

علمنا إن الجنة تحت

حد السيوف حد النضال

علمنا لما الخير يضيع

نركب صعاب نركب محال

علمنا إن الدين جمال

علمنا إن بلادنا جنة

علمنا إن تراها مال

علمنا إن الصبر جُنة

وهو من يصنع رجال

إن الوطن عرض ودين

علمنا كيف لم نستكين

علمنا إن النصر منه

به نهتدي وبه نستعين

حكي لنا عن كل الغزايا

علمنا إيه معنى السرايا

عم إبراهيم

كان يقول إياك تساوم

إن كنت يوم فيه تنظلم

انهض وقاوم

عم إبراهيم مات بالجسد

والروح ما بينا

عم إبراهيم نورع الزمن

دايمًا يعيننا

عم إبراهيم صوت الأمان

رن في ضميرنا

بحن لك

بحن لك

ونا الحيران

من أحوالك تبكيني

وبشكي لك

بقالي زمان

ويحلى لك دموع عيني

تتوهي مني تنسيني

ومنايا حبيتي ألاقيكي

حبيتي كل ما بنسى

تفكرني حكاويكي

أبكي تدمعك عيني

كأني مش هغنيكي

.....

بحن لك

ونا موجوع

ونفسي تعودى يوم ليا

تكونى رجوع

وأقابلك جوه بحر دموع

تبكيني وأبكيني

تقولي لي وأقول فيكي

حببتي كل ما بنسى

تفكرني حكاويكي

أبكي تدمعك عيني

كأني مش هغنيكي

.....

بحن لك

وهفضل أغني لعيونك

وأشوف الشمس
مرسومه على جبينك
يا مالیه قلبي وعیونی
یا بسمه كل أيامی
یا فرحة عمري وسنینی
هعیش العمر أنادیکی
وروحی وقلبی أهديکی
حبیبتی كل ما بنسی
تفكرنی حكاویکی
أبکی تدمعك عینی

كأني مش هغنيكي

.....

بحن لك

ونفسي أميل

وفوق خدك

دموعي تسيل

وأحبك دوم

وأهديكي

كلام صافي

يعيش فيكي

حبیبتی کل ما بنسی

تفکرنی حکاویکی

أبکی تدمعک عینی

کأنی مش هغنیکی

.....

بحن لك

وجع ودموع

أغني

والفؤاد موجدوع

وأحن لنظره ف عنيکی

وكل أما ابتعد عنك

منايا حببتي ألاقكي

حببتي كل ما بنسى

تفكرني حكاويكي

أبكي تدمعك عيني

كأني مش هغنيكي

.....

بحن لك

كتاب مفتوح

بأسرار عشقي

ليكي ببوح

وڪلي مآسي

ڪلي جروح

بروحي بقلبي أفديڪي

وَأعِش ليڪي

وَأعِش فيڪي

وتحڪيني وأحڪيڪي

حببتي ڪل ما بنسى

تفكرني حكاويڪي

أبڪي تدمعڪ عيني

ڪآني مش هغنيڪي

يبقى إيه؟؟

لما قلبي يدق لما تيجي سيرتك

يبقى أية؟..

لما أبقي نفسي أقول كلمة بحبك

يبقى أية؟...

لما يبقى نبض قلبك نبض قلبي بينادي

يبقى أية؟...

ولما يبقى روحي فيك وأنت مقسوم لغيري

ولما تبقى جوه قلبي وف ضميري

ولما عمري باهدهولك يا حبيبتى وكله ليكي

ولما يبقى الكل بايعك وأما أبقى مشريكي

يبقى عايزك تبقى ليا يا حبيبتى وما حدش يوم شريكي

وتبقي ليا وأبقى ليكي

هى ده أصل الحكايه

انك أنت تبقى ليا

وهى دي كل القضيه

بحبك قصايد

يا حبي اللي صايد زماي الي كان

بحبك قصايد ماله المكان

لما قريرتك لقيت الكلام

ولما رأيترك نسيت الزمان

بشوفك في عيني أجمل مصير

بشوقك تيجيني ومش حد غير

وكل ما تنسى إليكي أسير

وكل ما تقسى أزيدك حنان
يا قمره تملئ تيجيني ف ليلي
يا حبي الي طريقي ودليلي
تعالى ودوبي معايا ف سبيلي
وكوني طوقي وبر الأمان
يا قمره تنور ليه الكسوف
جمالك أسرني في حبك بطوف
ليه بس دايماً في حيره وخوف
في حبك مسلم وبرضى الهوان

ليه الفلك ؟

يا قمر

هتجاوبني لو أسألك ؟

ليه الفلك ؟

قلبي قاعد فاتح ببانه

لو هواك ليه يوم سلك

يا قمر

ليه مسكنك

فوق ف العلامي

معقول تكون من تراب ؟!!

ليه العذاب؟

ما أروعك

ما أجملك

يا قمر

لو قلبي يوم جه

حن لك

أومال إلك

أو حب يوم يسهر معاك

قوم عرفه سكة هواك

يا قمر

إشتقت لك

وبحن لك

دا العين مُناها تنظرك

والقلب عطشان منهلك

وإن يوم هلك

يبقى فداك

يا قمر

يا قمر سهران قبالي

دانت جنب النجمه عالي

يا قمر زاد انشغالي

حبك مش قادر أخبي

.....

يا قمر هلت بدورنا

حبك أنت اللي في صدورنا

فين واخذنا وليه آسرنا

ولما تأمرنا نلبي

.....

يا قمر ياللي في عنينا

مهما نخفي بيان علينا

وحياة الليل القاسي فينا

يا قمر ما تزيد ف حبي

.....

يا قمر حالك كحالي

ف السما بعيد عالي

يا قمر مالك ومالي

دانت حبك جوه قلبي

.....

يا قمر ما تزيد حنيني

دا هواك باين في عيني

يا قمر بيزيد أنيني

وأنت دايماً مستخبي

.....

يا قمر أيه اللي نابك

ليه جحيمك ليه عذابك

مانت عارف ليه تخبي

انك إنت كل حبی

.....

يا قمر عمري ما هنسي

دانت جوه القلب لسه

كل ضحكه وكل همسه

ليها ذكرى ويا قلبي

.....

يا قمر مشغول ليه عني

قلبي عايش بالتمني

ليه عليك دايمًا شاغلني

دانت قلبي وأنت حبي

.....

يا قمر حرام عليك

قول لي أيه عملت فيك

يا ما شلت ف قلبي ليك

كثير أمرت وكنت ألبى

.....

يا قمر مانت اللي باعد

دحنا ليك معصم وساعد

وقلبك أنت عليا جامد

لو تحب ليه تحبي

.....

يا قمر ما تغيب علينا

كل لحظه دموع عينا

تبكي لجل قمرها غايب

يا حبيبي ونار ف قلبي

.....

يا قمر فين أنت قول لي

ليه تغيب عني تملي

مانت عارف إن بعدك

يزيد أنيني يزيد ف كربى

.....

يا قمر عنك هغيب

يا حبيب .. أغلى حبيب

سهم ظلمك راح يصيب

يا قاتلني أیه محبى

.....

يا قمر ساكن بعيد

كل لحظه الشوق يزيد

وأنت ساكن في الوريد

ليه عذابك ليه يا قلبي

.....

يا قمر حظك قليل

حتى شوف طالع ف ليل

واللي داري بيك قليل

والغيوم تحجب ضياك

.....

يا قمر نور في ليلهم

هم ليك خليك دليلهم

وإن فاتوك دايما تجيلهم

وأوعى مره تفوت هواك

.....

يا قمر وحدك غريب

يا حبيب أحلى حبيب

دحنا ليك قسمه ونصيب

ومنانا ننول رضاك

.....

يا قمر هسهر لو حدي

كل أحزاني ووجدي

مهما تبعد برضو عندي

يا ملاك أحلى ملاك

.....

يا قمر وقدرت تهجر

كل ليله ف حبك أسهر

وعن هوايا مهما أعبر

ماقدر أوصف يوم هواك

.....

يا قمر قلبي واجعني

والفضا كون مش سايعني

والا عشان حبي دا يعني

تختفي جواف سماك

.....

يا قمر ف قلوبنا علم

لو تغيب الكون يضلّم

يا قمر ابعده واظلم

يا واخذني بعيد هواك

.....

يا قمر مالك حزين

ليه بتفرح كل حين

إنت شاغل قلب مين

ولا شاغل مين معاك

.....

يا قمر صابك خسوف

وف بعادك صابنا خوف

ليك حنينك يا الأليف

والسهر يحلى بلباقك

.....

يا قمر دا الصبر قاسي

ياللي حبي تملي ناسي

دانت أهلي وكل ناسي

يا ظالمني كتير معاك

.....

يا قمر أرجوك هاودني

لو حبيبك قوم ساعدني

دا لهواك الشوق واخدني

وقلبي ساكن فوق هناك

.....

يا قمر مكتوب علينا

نهجرك وتفيض علينا

والقلوب والله حزينه

يا قمر ههجر فضاك.

أنا الغلطان

حببتي يا كل أحلامي

أنا إنسان

ولو زعلتك النوبه

أنا الغلطان

وبتمنى تسامحيني

وترتاحي على صدري

وأحكي لك وتحكي لي

ونرجع نحكي من بدري

منا حبك ونا حلمك

ولو تبعدنا يوم قسوه

تلاقيني هنا جنبك

منا ناسك ونا أهلك

عيوني ليكي يا حبيتي صفاء النيل

سهرانه بتستني طلوع النور

ومهما حبيتي أسهر لك وأغني لك

دا برضو قليل

مغرورة

بحبك وأنتي مغرورة

ونور الشمس من ضوءك

وبتمناكي لو صورة

وارسمها على ذوقك

يا كل يوم بتتغير

وجعلاني لها ذكرى

ولما اطلبها بتحير

وواعدھا تقول بکره

یا بکره یالی ما بتجیش

أنا نفسي أکلمها

وبدعلها یا رب تعیش

وبدعي یا رب سلمها

نفسی

نفسی أحلم لیکی بکره

نفسی أضمک لما أنا م

القلوب یوجعها نظره

والعیون بتقول کلام

نفسی أفرح بکی مره

نفسی أصرخ م الغرام

نفسی نظرة من عنیکی

تمحي نظرة لتهام

نفسی أحبک زی مانتي

نفسی أشوفک لو منام

نفسی تنسی مره روحک

جواروحي نعيش هیام

حتى لو ما قدرتي تنسی

أو هواکي کان کلام

نفسی تبقى حته مني

وتبقى بردا وسلام

نفسى أبقى حته منك

ليه تبكىني حرام؟

ولا لاقى في حبك حل

مساء الخير على عيونك

يا ست الكل

مساء الشمس بتمسي

مساء قمر كد لما يطل

مساءك ورد راح يسبق خطاويكي

ويسبق الحياة ما يمل

يا ليل بنجومه بتلاي
يا نجمة ساكنه في العالي
يا ضحكة صافية لما تهل
يا نهر الحب يا مسافر
وواخذ قلبي م الآخر
وفاتني لعسى ولعل
حببتي يالي سارقينك
وغاصبينك وناهبينك
وساقينك بحور الذل

لا أنا عارف أعيش فيكي

ولا قادر أعيش ليكي

ولا ماشي ولا مقرب

ولا عارف ف يوم أهرب

ولا لاقى ف حبك حل

مهما غبتي

مهما رحتي ومهما غبتي

يا حبيبتى انتى حبيبتى

ومهما الدنيا عليا تقسى

قلبي عايش ليكي أنتى

ياللى جوه القلب قاعده

ياللى دنياي سكتنى

فاكره أول مالتقينا

كأت قلوبنا ملك لينا
فاكره أول مره فيها
قلت لك إني بخاف
لو فارقتك يا حببتي
قلتي ليا ماتفارقنا
وعدت الأيام علينا
بس كأت أيام عجاف
عدت الأيام حببتي
وحبي ليكي كان يزيد
وعنك ياما فضلت أدور

لجل أشوفك من بعد
يوم ما شفتك عمري نور
يوم لقاكي كان لي عيد
قلبي قاعد ف انتظارك
كل نبضه كان شريد
ياللا عودي قوام يا حبي
ياللي همي ولم تحبي
حبك اللي في الوريد
ياللي عمري وجوا قلبي
إنتي مرسايا الوحيد

قوانين

قوانين يا سيادنا ونعمل أياه

حاططها يا ناس الي اسمه أياه

بيقولوا للشعب وهى عليه

علشان تفرقه علشان ترازيه

قوانين وبهاتي وهفضل أقول

الظلم يوماتي سيف مسلول

بيعين القاتل ع المقتول

تسيبه وف هدومك تلاقيه

قوانين عاملينا قولي لمن

علشان ملاعينها ليوم الدين

يسرقوا يقتلوا واحنا شايفين

ونقول كمان يا سعادة البيه

ماتدوشناس

لا تقولي ثورة ولا ثوراشي

روح يا عم ماتدوشناسي

ثورتنا تاهت ولا ندراشي

ورايحه يا بلادنا على فين

لا تقولي موجه حريه

وانتخابات حره اهي جايه

هيسرقوها الحراميه
في غفلة من ناسنا النايمين
الكل بيقول وطنين
ثورتنا من أجل المساكين
فرحه وزبيده وسماعين
وكل أولادنا الكادحين
عشان جراحنا ما توسعشي
ونستقل ما نتبعشي
ونشترها وما نبعشي
نعمل غسيل لعقولنا الطين

oboiikan.com

الفهرس

٣	مصر
٦	تمتات ما قبل الثورة
٩	رساله قصيرة جداً للوطن
١١	كلمة وطن
١٥	عارف
١٨	حلفت لك
٢١	نفسى أكون
٢٥	عمى إبراهيم
٤٢	بحن لك
٥٠	يبقى إيه؟؟
٥٢	بحبك قصايد
٥٤	ليه الفلك؟
٥٧	يا قمر
٧١	أنا الغلطان
٧٣	مغرورة
٧٥	نفسى
٧٨	ولا لاقى فى حبك حل
٨١	مهما غبتي
٨٤	قوانين
٨٦	ماتدوشناش

obeyikan.com

